



Broj: 01-1366-1/21

Datum: 21.12.2021.

TUŽILAŠTVO BOSNE I HERCEGOVINE

SARAJEVO
Ul. Kraljice Jelene br. 88

Na osnovu člana 213 Zakona o krivičnom postupku BiH, Evropski univerzitet „Kallos“ Tuzla podnosi

KRIVIČNU PRIJAVU

PROТИВ:

- 1) doc. dr. Benjamina Muhamedbegovića, zaposlenog u Agenciji za razvoj visokog obrazovanja i osiguranje kvaliteta BiH;
- 2) prof. dr. Envera Halilovića, bivšeg direktora Agencije za razvoj visokog obrazovanja i osiguranje kvaliteta BiH;
- 3) doc. dr. Elvisa Barakovića, ministra obrazovanja i nauke TK;
- 4) prof. dr. Vedada Pašića, predsjednika Savjeta za visoko obrazovanje TK;
- 5) prof. dr. Bernadina Ibrahimpašića, predstavnika akademske zajednice na listi eksperata u Agenciji za razvoj visokog obrazovanja i osiguranje kvaliteta BiH, i
- 6) prof. dr. Adnana Velagića, predstavnika akademske zajednice na listi eksperata u Agenciji za razvoj visokog obrazovanja i osiguranje kvaliteta BiH;
- 7) N.N. službenih lica Ministarstva obrazovanja i nauke TK,

ZBOG TOGA

što su, koristeći svoje službene položaje i neizvršavanjem svojih službenih dužnosti, u periodu od 9.5.2018. godine do danas, činjenjem i nečinjenjem, smišljeno i organizovano preduzeli niz radnji kojima su spriječili da se sproveđe postupak akreditacije Evropskog univerziteta „Kallos“ Tuzla, iako su za to bili ispunjeni svi zakonski uslovi, a sve zbog toga što je osnivač Univerziteta Nedeljko Stanković Srbin po nacionalnosti, čime su Univerzitetu, njegovom osnivaču, njegovim studentima i zaposlenima nanijeli veliku materijalnu i nematerijalnu štetu i teže im povrijedili prava,

čime su izvršili krivično djelo zloupotrebe položaja ili ovlaštenja iz člana 220 stav 1 Krivičnog zakona Bosne i Hercegovine, u sticaju sa krivičnim djelom povrede ravnopravnosti čovjeka i građanina iz člana 145 istog Zakona.

O b r a z l o ž e n j e

1. Evropski univerzitet „Kallos“ Tuzla (u daljem tekstu: Univerzitet) je visokoškolska ustanova u privatnoj svojini, koja ima licencu i početnu akreditaciju, obje izdate od strane Ministarstva obrazovanja i nauke TK (u daljem tekstu: Ministarstvo). Da bi ušla u Državni registar visokoškolskih ustanova, koji vodi Agencija za razvoj visokog obrazovanja i osiguranje kvaliteta BiH (u daljem tekstu: Agencija), potrebno je da dobije institucionalnu akreditaciju. Prijavljenima nije u interesu da Univerzitet dobije institucionalnu akreditaciju, pa na sve moguće načine i svim sredstvima odgovlače i sabotiraju taj postupak. Prijavljenima je cilj da ugase Univerzitet, pošto im smeta njegov osnivač Nedeljko Stanković, koji je srpske nacionalnosti. Ovaj Univerzitet još jedini u Bosni i Hercegovini nema akreditaciju, iako za to ispunjava sve zakonske uslove. U njihovim radnjama stekla su se obilježja krivičnog djela, pa Univerzitet podnosi ovu prijavu kako bi to Tužilaštvo preduzelo mjere iz svoje nadležnosti da se odgovorna lica sankcionišu. Prijavu potkrepljujemo sljedećim obrazloženjem i dokazima, i to:

1) Univerzitet je podnio Ministarstvu zahtjev za dobijanje institucionalne akreditacije dana 9.05.2018. godine. Tek 4 mjeseca kasnije, Agencija putem Ministarstva, traži dopunu zahtjeva za akreditaciju, tako što će se ažurirati samoevaluacijski izvještaj. Pošto se ni nakon dostavljanja ažuriranog samoevaluacijskog izvještaja ništa nije dešavalo, Univerzitet je Ministarstvu uputio zahtjev da ga se obavijesti u kojoj se fazi rješavanja nalazi zahtjev za akreditaciju, da bi od Ministarstva krajem decembra 2018. godine dobili odgovor da je pokrenut postupak institucionalne akreditacije i da je zahtjev proslijeden Agenciji na dalje postupanje. Prošlo je od tada čak 10 mjeseci, a da se ništa nije desilo. Univerzitet ponovo urgira kod tog Ministarstva ne bi li se saznalo u kojoj je fazi postupak akreditacije, pošto je rektor Univerziteta saznao od uposlenih u Agenciji da Ministarstvo nije udovoljilo zahtjevu Agencije za dostavljanje novog prijedloga stručnjaka iz kategorija akademske zajednice i studenata. Tom Ministarstvu je trebalo čak 40 dana da odgovori Agenciji. Da stvar bude gora, Ministarstvo je odgovorilo “da je u procesu dostavljanja tražene dopune”. Sve ovo upućuje na zaključak da neko u tom Ministarstvu namjerno odgovlači postupak akreditacije Univerziteta znajući da je institucionalna akreditacija za Univerzitet od egzistencijalnog značaja. Univerzitet je više puta slao urgencije za rješavanje postupka akreditacije. Ministarstvo i na druge moguće načine nanosi štetu Univerzitetu. Ovdje naročito ističemo da prilikom raspisivanja konkursa za upis studenata, naš Univerzitet zadnji dobije prethodnu saglasnost Ministarstva, odnosno Vlade, nakon svih ostalih visokoškolskih ustanova, tako da uvijek zadnji i raspiše konkurs kada je već na svim drugim ustanovama odavno počeo upis. Univerzitet predloži kvotu studenata koja je primjerena, odnosno predloži onaj broj studenata koji prema Standardima i normativima može da primi u novoj akademskoj godini. Međutim, Ministarstvo svaki puta naš prijedlog vrati i traži da još smanjimo broj, dok za javni Univerzitet u Tuzli uvijek odobre i previše studenata (npr. 250 studenata za upis na prvu godinu medicine, iako taj broj ne može da primi Medicinski fakultet ako se poštuju Standardi i normativi za obavljanje visokoškolske djelatnosti).

Dokaz:

- (1) Zahtjev za akreditaciju Evropskog univerziteta „Kallos“ Tuzla broj 125-1/2018 od 9.05.2018. godine;
- (2) Zahtjev za odobrenje broja studenata broj 01-370-1/21 od 2.07.2021. godine;
- (3) Saglasnost Vlade za upis broj 02/1-34-12749- 2/21 od 06.07.2021.godine

(4) Urgencije Ministarstvu za rješavanje postupka akreditacije: br. 01-1082-1/19 od 11.10.2019. godine; br. 01-1432-1/19 od 18.11.2019. godine, i br. 01-430-1/21 od 22.07.2021. godine.

2) Agencija je napokon na prijedlog Ministarstva imenovala Komisiju za akreditaciju početkom 2020. godine. Predsjednik Komisije, akademik prof. dr. Isak Karabegović u maju 2020. godine stupa u pregovore sa ostalim članovima Komisije radi utvrđivanja datuma posjete, ali na iznenađenje svih stiže nepotpisan mejl sa službene „info“ mejl adrese Agencije. U tom mejlu predsjednik se obavještava da je takozvani stručni kolegijum Agencije odlučio da se obustavi posjeta Komisije Univerzitetu planirana za 18. i 19. juni 2020. godine, kao i da će doći do promjene u sastavu Komisije. U stvari nikakav kolegijum Agencije nije donio takvu odluku, nego se uposlenik Agencije Benjamin Muhamedbegović odvazio na ovakve nezakonite radnje u namjeri da što veću štetu nanese Evropskom univerzitetu „Kallos“ Tuzla i da odgodi akreditaciju na što duže, kao što mu to sad već godinama polazi za rukom. Čak se on novim rješenjem Agencije imenuje za koordinatora Komisije. Ono što ovdje naročito ističemo jeste da Agencija nije donijela rješenje o zamjeni predsjednika Komisije, nego je na „hajdučki“ način akademik prof. dr. Isak Karabegović ušutkan i smijenjen od strane prijavljenog Benjamina Muhamedbegovića. Akademik prof. dr. Isak Karabegović je zasmetao Benjamina i njegovim pristalicama, jer je namjeravao čestito da obavi svoj posao i da zakaže posjetu Komisije Univerzitetu. Zato i jeste uklonjen iz Komisije. Inače, za Benjamina Muhamedbegovića se vezuju razne šovinističke i nacionalističke izjave. Tako je imenovani jednom profesoru zaposlenom na Univerzitetu rekao za drugog zaposlenog profesora koji je srpske nacionalnosti da je „četnik“ i da ga ne treba držati u Tuzli na tom Univerzitetu. Na društvenim mrežama redovno objavljuje razni sadržaj ispunjen nacionalizmom, šovinizmom i na taj način širi mržnju, što ne dolikuje jednom državnom službeniku zaposlenom u institucijama Bosne i Hercegovine, a naročito instituciji obrazovnog karaktera. Sve ovo ukazuje i na mržnju prijavljenog prema Univerzitetu.

Dokaz:

- (1) Rješenje Agencije o imenovanju komisije domaćih i međunarodnih stručnjaka broj 05-33-1-291-14/18 od 29.01.2020. godine;
- (2) Kopija elektronske pošte prof. dr. Isaka Karabegovića i njegova izjava, i
- (3) Kopije objava sa društvenih mreža Benjamina Muhamedbegovića.

3) Sada Agencija više ne žuri da imenuje novi sastav Komisije, pa se to dešava tek poslije više od pola godine u januaru 2021. godine, kada je na mjesto direktora došlo drugo lice umjesto Envera Halilovića. Imenuje se novi predsjednik Komisije prof. dr. Adnan Velagić i student Amina Krdžalić, pošto direktor Agencije više nije Enver Halilović, bivši rektor Univerziteta u Tuzli, saučesnik Benjamina Muhamedbegovića u odgovlačenju postupka akreditacije Evropskog univerziteta „Kallos“ Tuzla. Nazirao se kraj agonije u postupku akreditacije Univerziteta. Međutim, već par mjeseci kasnije u maju 2021. godine, predsjednik Komisije podnosi ostavku, vjerovatno po dogовору sa svojim saučesnicima prijavljenim Barakovićem, Pašićem i ostalima. Nakon podnošenja ostavke predsjednika Komisije, Ministarstvo ponovo odgovlači sa dostavljanjem prijedloga novih članova Komisije, da bi Agencija tek krajem augusta mogla formirati novu Komisiju. Smatramo da nije slučajnost da je prof. dr. Bernadin Ibrahimpasić predsjednik nove Komisije, a koji je profesor matematike, kao što su to i Vedad Pašić i Elvis Baraković.

Dokaz:

- (1) Rješenje Agencije o dopuni rješenja br. 05-33-1-291-15/18 od 10.06.2020. godine,
- (2) Rješenje Agencije o izmjeni rješenja br. 05-33-1-291-22/18 od 6.01.2021. godine.

4) U međuvremenu, ministar obrzaovanja i nauke TK predlaže izmjene Zakona o visokom obrazovanju, iza kojeg se krije podmukli plan njega i njegovog mentora Vedada Pašića da zatvore Univerzitet. Ova namjera vidljiva je naročito u članu 9 prвobitnog prijedloga Zakona o izmjenama i dopunama zakona o visokom obrazovanju, koja je glasila:

Član 9.

U članu 29. iza stava (1) dodaje se novi stav (2) koji glasi:

„(2) Zahtjev iz stava (1) ovog člana novoosnovana visokoškolska ustanova može podnijeti najranije tri godine, a najkasnije pet godina nakon dobijanja licence.“.

Dosadašnji stavovi (2), (3) i (4) postaju stavovi (3), (4) i (5).

Dosadašnji stav (4) koji postaje stav (5) mijenja se i glasi: „(5) Visokoškolskoj ustanovi koja nije dobila institucionalnu akreditaciju oduzima se licenca, a ranije upisanim studentima visokoškolska ustanova obavezna je omogućiti završetak studija na drugoj visokoškolskoj ustanovi i na odgovarajućem studijskom programu.“.

Ovakav prijedlog na sreću nije prošao u skupštinskoj proceduri, nego je u članu 10 Zakona usvojeno da visokoškolskoj ustanovi, koja nije dobila akreditaciju ili reakreditaciju, danom pravosnažnosti rješenja kojim se odbija zahtjev za institucionalnu akreditaciju ili reakreditaciju, oduzima se licenca. Na ovaj način spriječen je podmukli plan prijavljenih da jednostavno konstatuju da Univerzitet nema akreditaciju i da mu se *ex lege* oduzme licenca. Ipak se mora završiti postupak za dobijanje akreditacije, koji je po svojoj pravnoj prirodi upravni postupak i podrazumijeva da Univerzitet ima početnu akreditaciju koja važi dok god se ne riješi po zahtjevu za dobijanje akreditacije Univerziteta. Vrlo je važno da Univerzitet, kao stranka u upravnom postupku, ima pravo da se odluka Ministarstva preispita pred sudom u upravnosudskom sporu prije donošenja bilo kakve odluke po pitanju licence.

Dokaz:

(1) Zakon o izmjenama i dopunama zakona o visokom obrzaovanju („Službene novine TK“, broj 17/21), i

(2) Članak iz medija od 15.09.2021. godine sa izjavom ministra Barakovića.

5) Nova Komisija za akreditaciju je početkom oktobra ove godine održala prvi pripremni sastanak, da bi nam početkom novembra dostavili utvrđen datum i agendu posjete za 21. i 22.11.2021. godine. Samo tri dana prije planirane posjete, predsjednik Komisije podnosi ostavku zbog navodnih porodičnih problema. Ubijedeni smo da je Bernadin Ibrahimpahić, koji je profesor matematike kao i prijavljeni Baraković i Pašić, instruisan da podnese ostavku i na taj način ponovo sabotira proces akreditacije Univerziteta.

Dokaz: Agenda planirane posjete Komisije za akreditaciju.

2. Sada je već potpuno jasno da postoji organizovana kriminalna grupa koja namjerno opstruiše proces akreditacije Evropskog univerziteta „Kallos“ Tuzla. Evidentno je da su prijavljeni kreatori takvog nezakonitog stanja, zato što su opterećeni nacionalističkom ideologijom, sa kojom nije spojivo da se Srbinu akredituje Univerzitet u Tuzli. Da li može jedan upravni postupak da traje od 9.05.2018. godine do danas, i da mu se ne nazire kraj? Sve što je Univerzitet duže bez akreditacije, veća je šteta po njega i njegove studente. U javnosti se stvara slika da Univerzitet ilegalno radi bez akreditacije. Broj novoupisanih studenata je zbog toga u padu iz godine u godinu, a to odgovara Univerzitetu u Tuzli, na kojem rade prijavljeni Elvis Baraković, Vedad Pašić i Benjamin Muhamedbegović, a svojevremeno i Enver Halilović.

Pošto su se u radnjama prijavljenih stekli svi elementi krivičnog djela zloupotrebe položaja ili ovlaštenja iz člana 220 stav 1 Krivičnog zakona Bosne i Hercegovine, u sticaju sa krivičnim djelom povrede ravnopravnosti čovjeka i građanina iz člana 145 istog Zakona, to predlažemo da preuzmete mjere iz vaše nadležnosti kako bi prijavljeni bili oglašeni krivima i kažnjeni za izvršeno krivično djelo.

S poštovanjem,



V. D. REKTOR
Prof. dr. Kemal Brkić